

新刻羣音類選

新刻羣音類選卷二十二

虎林 胡氏 文會堂 校選

分錢記

分錢泣別

(園林好)當日箇徵祥夢蘭只指望見堂前戲斑誰料  
你將人縈絆方始信做人難方始信做人難(前腔)嘆  
鵲鵲一枝自安任琵琶把新絃別彈你空自把娘行  
凝盼纔轉眼是萬重山纔轉眼是萬重山(江兒水)你  
是白璧無瑕玷當學青松有歲寒須教彤管傳閨範  
我姊妹分襟知難縮你娘兒割愛誰經慣各把愁腸

牽挽合只恐破却銀錢買不轉不平公案前腔你向  
荆襄去娘畱鄉郡間你在童年命值分離限別後情  
知自有恩慈看柰痛腸此際偏難按死也不能合眼  
合前五供養孤貧老漢謝得恩官另眼相看只怕分  
釵傷遠道破鏡惜紅顏我夫妻早晚把一炷心香忙  
辦你白髮長相守丹桂更增蕃合有日重逢願言加  
飯前腔思之兩難強把臨歧泪眼相看你夫妻雖有  
托他母子兩孤單常將冷眼看惡黨橫行難托天墜  
應非遠善類豈摧殘合前玉交枝不須長嘆願歸途  
骨肉保安懷中幼子添羈絆况無人承事慈顏你明

珠浦中不久還我奇珍掌上殷勤看合又何時相逢  
下山又何時相逢下山前腔我是寒儒拙宦剝空囊  
其實赧顏難將汝女長羈絆若嫁時須待分晚你那  
一言既出追不還我是一鞍一馬誰干犯合前川撥  
棹把歸程趲莫稽遲淹汨眼做女兒的裂膽摧肝做  
女兒的裂膽摧肝做爹娘的於心怎安合鎖天台雲  
霧間盼江帆天際看前腔你此去形孤影又單你的  
恩施何日還這分離不必愁煩這分離不必愁煩也  
須知刀頭有環合前尾聲別離兩字愁千萬把兩下  
銀錢頻看只落得雙袖龍鍾泪不乾

弟兄錢合

二郎神難吞吐這愁悰豈一言可訴念母氏他鄉無  
覓處枉奔波數載教人空媿慈烏被無子淳于分鳳  
侶空詠着螽斯戢羽越教我嗟吁二十載嚴君被困  
蠻奴前腔躊躇人間又有如君齟齬我亦為椿萱猶  
未遇我慈親被遣當元曾賦樛木你猶自知道尊君  
被俘我父母怕桑榆景暮問征途君比去何方覓取  
親閭轉林鶯天台舊家曾訪取柰因歲儉移居不知  
徙向何方去空含淚獨返鄉閭庠師見諭把咱指引  
向東嘉尋母傷着我外翁居姓賈氏曾聞住近師儒

前腔（驚然聽說眉轉蹙）把我情事相觸，我外翁亦姓  
賈，近（蠻宮住）自天台舊業移居，有同胞長雛，自依傍  
我雙親居楚，那時未生吾，被我父携兄共向歸途。（啄）  
木鷗他兄和母與我跡不殊，萍梗相逢可托棠棣許，  
問足下甚姓何名，你尊君是那樣門閭，我父親姓楊，  
官鬢序，向年離浙往蒼梧去，你欲知余是懷胎後背，  
生名仲武，好兵書。（前腔）聞名姓，更不殊，我數載江湖  
空覓汝，我是你共乳的親兄，斯言果是非虛，你若果  
然是兄，無差誤，有何信物為憑據，這半錢兒廿載缺  
欠，今日會合兩眉舒。（金衣公子）和你楚越異川途，却

元來同父母。你又不能認母。我又難尋父。東嘉在步  
武。蒼梧在甚所。情願往大軍幕下親戎務。(合)先去奉  
潘輿到襄陽故里。同往破蠻奴。(前腔)夢兆不糊塗。信  
神明。語不誣。元來彼此都仗慈悲護。他與衆生救苦。  
念我爹行被阻。二十年許多魔障。憑誰訴。(合前)

青瑣記

繡閣懷香

羅江怨。輕綃細且稠。鍼穿線抽。先描並蒂蓮在洲。青  
萍綠荇逐波浮也。中綴鴛鴦交頸。雙雙耦。雲霞覆上  
頭。雲霞覆上頭。見五采輝煌透。(前腔)簪纓貴胤儔。青

年懋修，文光銳，氣冲斗牛。人中才貌，獨稱優也。曹植  
休誇不讓潘安右，溫存性雅柔。溫存性雅柔，最多趣  
味，生情實香，遍滿舊勲元宰，聲名冠九州。三女皆靈  
秀，已去作王妃。太子將婚，嫌正芳齡妙質，無忝為好  
逑。柰三星未燦，寂寞了桃夭候。前腔茂才多學，移文  
特聘求。他懷寶乘時售，暫作掾黃扉。試展經綸手，去  
潛身青瑣，指示親注眸。看文魔風韻，不謊了春英口。

青瑣相窺

黃鶯兒殘雪半含梅，見陰崖凍乍回。夜來南極光生  
瑞，童顏未衰，龜齡未頽，椿萱並茂，春常在。合紫霞盃。



年年此日、骨肉笑花臺、前腔自慨已、虺虺衛王家、志未灰、漢庭鳩杖榮當代、伉儷永諧、門楣可俟、滿堂和氣春常在、合前尾聲祝三台、祈千載、遶雲仙、樂出蓬萊、疑向蟠桃會裏來、

排歌煙煖鶯啼、雲低鴈回、雨餘新茁蒼苔、夜來南極照天街、最喜今朝綺席開、青山洞、碧水隈、人間到處有天台、花搖砌、酒泛杯、直須酩酊不知回、北寄生草、果然是文章客、美丰姿、聰俊才、桃源迷路風流輩、宋朝又得生當代、潘安再世應難配、那人兒、打動倩娘情、霎時間、定有離魂害、排歌紫燕穿簾、紅塵繞臺、清

歌妙舞徘徊、主人不厭燭將排、坐客寧辭山玉頰、青  
山洞碧水濃人閒到處有天台、花搖砌酒泛杯直須  
酩酊不知回、北醉扶歸偷覩風流態、青瑣恨難開、枉  
自支頤嘆美哉、此見求須再、繾綣從今在懷、整備相  
思害、排歌寶鼎香銷、珠簾影飄、壺觴交舉重陪、管絃  
聲沸興方來、池面波溶返照回、合青山洞碧水濃人閒  
到處有天台、花搖砌酒泛杯直須酩酊不知回、前腔  
諒在通家情濃似醅、相忘形迹無猜、清歡逸趣溢春  
懷、不覺牆東月影來、合前

托婢傳情

駐馬聽 四海無虞相府清閑樂有餘每日研硃點易  
掃石焚香閣筆吟詩金樽獨酌月明時瑤琴謾鼓清  
風裏雖則是為祿名微黃扉出入不失文林佳致前  
腔乍離香閨蓮屨輕盈舉步徐不顧苔痕膩滑輟迹  
縱橫道路崎嶇心忙迤邐幾多時茅簷已是吾家矣  
還問我來歷因依倉皇失措自覺赧然羞恥

桂枝香 天淵殊判薰蕕相遠深蒙不計仙凡一旦俯  
垂青盼道靈犀已通道靈犀已通遂生牽絆未知真  
贗自盤桓天池月窟花雖好怎得雲梯向上攀前腔  
辰逢華誕稱觴預宴潛身青瑣相窺佳麗風流著眼

便春意滿懷、便春意滿懷、忻忻稱羨、源源畱戀、要團  
圓、春蠶到死絲方盡、蠟燭成灰淚始乾、醉翁子呼喚  
感小姐芳情款款、願插翅凌虛、上林游翫、豈敢恐跡  
隔雲泥、閨苑春深、覓路難、非意懶、便縮地升天、也覺  
間關、前腔當感我小姐長吁短嘆、要誓海盟山、擬在  
百年同懽、深患倘泄漏春情、未便遊蹤任往還、休怠  
緩、可逐蝶追蜂、速繞花欄、

蘭閨復命

駐雲飛、泪界紅粧、萬轉千回、懶下床、一點靈犀、放黛  
鎖眉峰上、茶無語、自徬徨、凭闌凝望、恨結丁香、芳草

牽愁長目斷遊蜂到蜜房、目斷遊蜂到蜜房、前腔、  
匍街坊、只為多情窈窕娘、染却風流恙、撞了糊塗瘴、  
啖婉轉覆蘭房、將情傳向鑽穴踰牆密、計須停當、免  
泄春光、惹後殃、免泄春光惹後殃、

素帶兒、無聊賴、倚遍闌干意渺茫、一便似魚中綸、  
釣纏仗、殷勤望阮郎、銷盡金猊篆、縷香他心諒、携雲握  
雨、訂在何方、昇平樂、休望天涯咫尺、為海深潭府、山  
樣巍牆、蜂情蝶思、自覺不便輕狂、思量探花須近上  
林傍、方可恣紅酣綠釀、且姑寧耐、不勞神女夢、迫襄  
王、素帶兒、春風入夢長、難禁斷腸、相思處、這些病早

免得弄張從前愁緒、在今宵一筆都勾帳、真枝瘵、俚  
香倚玉、雖死亦何妨、前腔天般色膽言非妄、頓忘却  
閨闈行藏、携雲握雨如翻掌、書中啞謎、勝似醫方、纔  
經病眼、便知他渾身上下都通暢、笑天孫鵲橋不駕、  
怎得會牛郎、

醉悞佳期

大迓鼓相期事久淹、芳心空戀、密簡徒傳、陽臺已陟  
雲踪變、枉令人色膽大如天、冒恥擔驚、有誰見、前  
腔嗟伊酩酊眠、正鴟魂飄蕩、蝶夢沉酣、惜花人錯過  
如花面、也須知紅粉命多慳、雲雨無情、愁盈楚天、前

腔良宵嘆荷延、奈貪眸凝盼、饒口垂涎、苦嫦娥枉離  
清虛殿、豈勝禁好事、隔天淵、寂寞花陰、蹉跎鳳鴛前  
腔堪誇並蒂蓮、羨清芬胥茂、雅豔同妍、想赤繩前世  
曾經綰、如何對面也無緣、得失從違、事非偶然、  
江兒水惱殺傷春酒、一醉眠、卿卿缺望空回轉、月貌  
花容雖不見、金蓮小印遺蒼蘚、此處留情非淺、繾綣  
餘香、怎得芳盟重踐、

謀踰東牆

皂鶯花想像記難真、玉精神、待半醺、芙蓉豔冶同標  
韻、轉秋波流盼、渾無定、笑生春、語飛瓊、最可愛、翠鬟

低蟬影輕、最可愛黛眉勻、遠岫橫、況有蘭情蕙性、幽  
閒可欽、千嬌百媚、娉婷可矜、名姝絕代、誰能並、前腔  
入眼、便薰心、這風騷、不自禁、佳人才子、殊相稱、怎能  
穀鴛枕、同盟證、幾長顰、欲銷魂、最苦是對花陰、剔短  
檠、最苦是聽風聲、擁冷衾、各天咫尺、侯門海深、同情  
千里、巫峰幾層、黃昏清晝、無非病、

香柳娘、為多情可人、為多情可人、滿腔春恨、幽居形  
影、傷孤另、苦疎窓、月冷、苦疎窓、月冷、夢斷楚山深、雲  
期何日、訂望伊家、曲成望伊家、曲成撮合、奇能周旋  
歡慶、前腔、想裴航、遇屯、想裴航、遇屯、雲英引領、柰藍



橋水溢波濤浸有迴廊可循有迴廊可循萱室並椿  
庭經過必知警這姻緣炭冰這姻緣炭冰除非再生  
方能交頸（前腔）望宮堯起驚望宮堯起驚約高幾仞  
如何挿翅能飛進這些兒戰兢這些兒戰兢怎去跳  
龍門子陽蛙在井喜喬柯偃形喜喬柯偃形躋攀可  
憑如梯層引（前腔）太湖石易登太湖石易登外通內  
應自高臨下猶平徑這計策倘行這計策倘行月殿  
雖高迴嫦娥得相近莫輕率逞能莫輕率逞能還須力  
掙牢拴一念堅雙脰（前腔）訂來宵締盟訂來宵締盟  
更闌人靜東牆月上移花影整合懽鳳衾整合懽鳳

衆海誓兩心傾、情緣諒相盡、這風流匪輕、這風流匪輕、着意溫存、天長地永、

佳會贈香

醉扶歸似瓊樓玉宇神仙伴、多應是風流趣勝謫塵寰、只為青瑣畱情交相感、惹得旅況飄蕩、自此無拘管、受盡了千愁萬恨、廢眠餐、推至此夕償心願、前腔一從那日偷相見、就把這半天風韻付青鸞、誰料得柳影花陰塵囂遠、為你做下心苗愁種、空憶韶光變、整備着携雲握雨、遍巫山、須仗你了却相思欠、解袍歡在青瑣霎時流盼、把芳心直恁迷亂、我為你偷寒

送煖通方便似巫姬遇襄王雲雨瀾漫一個錦襠鬆  
卸一個香羅解寬一個情生百媚一個眉皺兩灣合  
懽被煖翻紅練顛飛鳳倒舞鸞貼胸交股樂無厭今  
宵事宿世緣千金一刻不容閑前腔我為你傳書寄  
簡檐驚怕受盡多般雙雙自出風流汗窓兒外有甚  
相干翠幃香煖花砌露寒金爐烟斷銀漏點殘分明  
烈火乾柴爇春羅上紅點鮮偷睛燈下笑相看風流  
趣一念間忍酸咬得袖兒穿山挑紅雲情初膩雨意  
方酣無奈那雞聲喚分開交頸兩鴛鴦不覺顛倒羅襦  
不覺蓬鬆翠髮只因趁此時盡此心總釋却傷春怨

也今夜姻緣果是難合這風流真稀罕梯牆往還但  
願暮暮朝朝楚岫間前腔芙蓉雙燥鷓鴣同翻可知  
道塵情戰喜得懽忻美滿凍壞了瘦骨稜稜熬殺了  
芳心戀戀待到月已西雞已鳴恐有傷人窺牖也泄  
漏春光後會難合前

嬌紅記

雨阻佳期

三犯倚粧臺獨坐夜燈前推窓瞻眺忽見雲蔽蔚藍  
天何苦驟然風雨作使我愁默默意懸懸蝴蝶宿花  
驚不穩蕉葉當階打欲穿合燈花結蕊浮動煖烟枕孤

衾冷不成眠。前腔怪底惱人天。雨聲和泪同滴夜窻前。一點衷情誰與訴。愁寂寞。夜如年。裴航可憐空有約。難把鸞膠續斷絃。合前

山坡羊好姻緣。偏不如願。要歡娛翻成悲怨。怪只怪風伯雨師公然不肯行方便。莫怨天。須知緣分淺。他在綉房中。無意拈針線。愁對孤燈猶未眠。埋怨事不諧。心戚然。堪怜睡不成。愁黯黯。

深閨私會

香羅帶銀缸慢自挑。愁魂暗銷。秋蟲怎禁吟到曉。花顏應是半枯焦也。情脉脉夜迢迢。形孤影單誰與弔。

掩面悲號也。咫尺玉人千里遙。（前腔）無人慰寂寥。病  
魔怎消。况秋夕頗長。難到曉。愁堆恨積。等山高也。人  
冷落。景蕭條。只恐玉顏容易老。獨坐無聊也。忍聽西  
風戰碧蕉。（不是路）耿耿秋宵。月上梧桐。丈許高。倘有  
人知曉。輕輕緩緩。把門敲。夜寥寥。不知戶外誰來到。  
驚起窓前黃犬號。聽他低聲叫。莫不是申君來此諧  
歡笑。慧娘能料。慧娘能料。（前腔）清夜迢迢。旅館孤眠  
嘆寂寥。奴深曉。但病軀瘦怯。敢相邀。莫聲高。倘隔牆  
有耳人知道。走漏風聲。禍必招。吾私料。畫堂深遠。無  
人到。况晚來幽悄。晚來幽悄。（玉交枝）看他烟花潦倒。

怎禁得春風擺搖、狂蜂浪蝶、雖偷眼、尋香興一頓都  
消、風清月白、虛此宵、縱相逢、未可開懷抱、合想應是  
命中所招、幾番間、不輪機巧、前腔君當心照、念奴家  
力怯、躰嬌、淹淹氣脉、如風絮、成不得鳳友鸞交、巫山  
夢杳、雲雨消、春花秋月、愁中老、合前前腔我勸娘休  
懊惱、勸郎君、心不用焦、若教畱得青山在、還依舊斫  
取柴燒、秦樓有日、吹鳳簫、佳期屢阻、何足較、合果然  
是命中所招、幾番間、不輪機巧、前腔相親相好、意綢  
繆如漆似膠、挨肩並躰、還執手、把風情事、心領神交、  
烹肉無醬、且白熬、畫眉不飲、只乾燥、合前意不盡、忽

聞窓外籠雞叫、月墮西岩天欲曉、画角鳴鳴起麗譙、  
雲雨酬愿

桂枝香黃昏時侯、月明如畫、花陰小犬嘵嘵不解玉  
人來否、聽秋籟悄然、聽秋籟悄然、凭闌立久、露濕羅  
袖、夜悠悠、金飈嫋嫋來頻末、銀漢斜斜拂樹頭、前腔  
煌煌珠斗、迢迢玉漏、仙郎有約不來、人在桃源迎候  
望臺榭寂寥、望臺榭寂寥、數株衰柳影如人、瘦越添  
愁、秋秋蟲嚮依金井、點點螢飛過畫樓、

紅袖襖我和你向花陰月下遊、我和你話衷腸、携素  
手、倩誰挽黃河水添夜漏、長願滴瀝瀝無盡頭、和你



待不得合歡盃同命酒只索權做個鴛鴦交鸞鳳偶  
我好似半含半放一朵楊花也一種噴鼻清香蝶未  
偷前腔與你似魚和水兩意投好姻緣在今宵知必  
偶唾津似薔薇露香可嗅玉乳似雞頭肉溫且柔兩  
肢臂嫩纖纖白似藕一個舐軟膿膿滑似油若得片  
時鳳友鸞交也消盡了胸中萬斛愁前腔分付與俏  
郎君莫害羞再叮嚀淑女娘莫怕醜所喜今宵裏多  
偶轉奴願做填河鵲渡女牛鴛鴦被把蘭麝香薰已  
透及早向洞房中把夙願酬此宵價值千金也只怕  
漏盡鍾鳴雲雨收

陽關記

登樓吹簫

閨怨蟾宮憶今宵月滿陽臺盼不見多才望不見多才恨青鸞不見飛來也是我合該定是我合該倩碧簫寫幽恨不覺的聲哀漸覺的聲哀韻淒淒聲嗚嗚說不盡我情懷倩東風寄與多才恨不見音來盼不見音來喜遷鶯簾捲瓊瑤聽玉人初弄碧簫情嘲餘音杳杳一段幽情分訴得巧又無有風吹別調一字字衷情無隱一聲聲哀怨難學閨怨蟾宮嘆今宵人在何方盼不見才郎望不見才郎好佳期辜負了清

光空教我情傷、枉教我情傷、倩鳳簫寫幽恨、不覺的  
悠揚、漸覺的悠揚、韻淒淒、聲切切、說不盡我衷腸、訴  
不盡我衷腸、倩東風寄與我才郎、怎不得成雙、恨不  
得成雙、喜遷鶯步武輕曉、聽玉人再弄碧簫、情嘲餘  
音嘹嘹、無限憂愁說不了、聽來總是相思調、一字字  
音非前比、一聲聲加上悲號、閨怨蟾宮惜今宵人遠  
花陰、盼不見多情、望不見多情、倚高樓、皓月分明空  
教人心疼、枉教人心疼、倩玉簫寫幽情、不覺的昏沉、漸覺  
的昏沉、韻悠悠、聲蕩蕩、說不盡我心胸、訴不盡我心  
胸、倩東風寄與多情、怎不見相怜、恨不見相怜、喜遷

鸞手挽花梢、聽玉人三弄碧簫。情嘲餘音遶遶、萬種  
憂愁。廝轉着、倚樓三弄梅花老。一字字、吹殘明月、一  
聲聲、响徹雲霄。前腔吹罷鸞簫、猛然見、翩翩翔翔、無  
聊。我只道青鸞信至、原來是、哀怨孤鶴、越加上心懷  
意惱。鶴失配、飛鳴求偶、你失配對月吹簫。

新刻羣音類選卷二十三

虎林 胡氏 文會堂 校選

泰和記

公孫丑東郭息忿爭

近有以此為齊人記語腔甚作故并爭語選之

駐馬聽 明日東荒潛步探看輕薄郎覓取他誰家請

召甚處盤飧那個壺觴幾人傾蓋坐康莊幾人為泰

畱清講合看破他行藏看破他行藏免教再扯瞞天

謊前腔謹逐恩娘同往東郊看一場覓取他接人何

狀對客何辭得食何方有誰拉入醉仙鄉有誰約共

銷金帳合前

駐雲飛南北山頭節屆清明宿雨收悽愴空迢迢魂  
魄無聲臭。嗟撫景思悠悠人世浮漚高塚麒麟側臥  
蒼苔厚只落得滿眼蓬蒿共一丘滿眼蓬蒿共一丘  
前腔景色清幽正是人家拜掃秋碑斷蟲紋綉塚古  
狐踪透。嗟到此事方休誰短誰脩埋盡英雄山水仍  
依舊只落得野草閑花滿地愁野花閑花滿地愁前  
腔古塚荒涼到此令人欲斷腸風木生悽愴花鳥增  
惆悵。嗟黃土蓋文章泉世茫茫往古來今誰免荒郊  
葬只落得枯木寒鴉幾夕陽枯木寒鴉幾夕陽前腔  
春日舒長簞食壺漿祭掃忙花影相摩盪鳥韻爭酬

唱，喲，士女滿康莊，執袂牽裳，舊塚新墳，悲喜多情，况  
好烈烈轟轟，做一場，烈烈轟轟，做一場，前腔，隔斷，諠  
譁，芳草池塘，兩部蛙梅子枝枝亞，燕子雙雙話，喲，脩  
竹翠交加，石逕欹斜，只少一個仙龐，吠向花陰下，真  
是賽過蓬萊三島家，賽過蓬萊三島家，前腔，可意鶯  
花，水抱山環，甚是佳，古樹蒼藤掛，曲水橫橋架，茶空  
院鎖桑麻，一壑烟霞，只少一個仙龐，吠向竹籬下，真  
個賽過瀛洲閬苑家，賽過瀛洲閬苑家。

淨作醉飽科白：春愁深似海，酒力重如山，不怕撞過真太歲，  
我也將他打一拳。王驢的酒食不是我，誰人得他的吃，比那  
樣無本事的餓殍，可不看我如在天上一作攘臂狂呼，  
外扮飢寒陳仲子上白：我乃陳仲子是也，平日以廉  
釋音類選卷之六

介自守避兄離母處于於陵與妻織屨辟蠶以為食  
今日是清明節去城中拜母母親殺鵝與食不知鵝  
是人饋吾兄蓋大夫者誤食此不義之物恐污了吾  
之五臟故出而哇之尚有餘臭在口何用此醜醜之  
肉哉何用此醜醜之肉哉不免於此路傍再哇之庶  
得乾淨外哇科淨科是誰人在此路傍撒屎呀原  
來是你箇餓殍外怒科你是個乞兒如何敢罵我淨  
我半日之食可當你一生之用外你十年之臭怎換  
我百世之香淨你避母離兄全無些天理外你驕妻  
誑妾那得個人倫淨你解處在於陵恰似條縮頭的  
蚯蚓外你唆食於東郭渾如個延頸的鸞鷯淨你打  
草鞋編蘆席是最賤的生涯外你拿木瓢執竹棒乃  
絕醜的形狀淨你不顧母兄亂俗傷倫外你不養妻  
妾辱門敗戶淨你這般窮嘴臉空當見弃于官兄外  
你那樣餓肚腸不可使聞于鄰國淨你拾爛車子以  
充飢是與螞蟥蟲爭食外你計祭剩肉度命乃同蛆  
魍魎分賍淨你腰間鈔無半文來多外你嘴上油可  
有一寸強厚淨你竹竿心何曾誠實外你笋殼臉那  
識羞慚淨你是箇務名不務實的虛包外你是箇顧  
嘴不顧身的油羹淨你羊質虎皮將來有始無終外



你偕食狗避必竟有朝無夜(淨外相打科末扮公孫丑上)生查子少遊大賢門老

隱齊山下廬外是何人誼開胡相罵吾乃公孫丑是也少遊夫子之

門得聞知言養氣之說晚年進道隱居於此聞門外誼譚夫子云鄉鄰有闢者雖開戶可也今荒山下無

人我不去解釋是絕人也近前二士為何爭忿淨賢翁聽訴唱馬聽愿聽因依念

我家中也有妻如何既有妻妾只因我素貪盃酌愛食

甘肥口腹奔馳何處奔馳干城中乞討畏人知末既不在城中

計覓却在何處淨墻間祭掃遂吾意末既在遂意醉飽便回

開他把我嘲譏他把我嘲譏這的誰是誰不是末子仲

如何前腔願聽根基仲子生來冠蓋裔末既在仕宦

等貧外只因我心貪美譽欲釣高名忍餓耽饑誤吞鵝

寒外

肉出哇之寧咽爛李得生矣（末）既能室慾矣何他把

我嘲譏他把嘲譏這的誰是誰不是（末）吾聞聖賢

至解污苟賤固是可羞矯情干譽亦為可惡前腔二

子聽知道理無過無不及（指）你以放僻為計（指）你以

詭異為奇（指）你皆與道相違（指）獨不觀伐檀君子

載於詩（詩云坎坎伐檀兮寘之河之干兮河水清且

胡瞻爾庭有縣貍兮彼君子兮不素餐兮古之人非

其力而不食如此況墻間飲食可以乞其餘不足又

顧而他獨不觀伐檀君子載於詩（指）你不見掛瓢苦節

垂諸易（昔許由不受堯讓弃瓢而死君子譏其苦節

可也豈不你不見掛瓢苦節垂諸易各息嘲譏各息

為苦節哉

嘲譏看來二者都非是

你兩個休爭我與判箇罪判

兄弟天之恩性指淨今你養口腹而害心志羞惡奚存指外今你輕千乘而重豆羹孝弟安在指淨妻妾

見之尚羞吾何觀乎指外母兄親而且然他可知矣指外是可忍則孰不可忍指淨無不為則無所不為

我這一杯水固不可以救你一車薪之火你那五十步之走又豈可笑百步之走哉此之謂同浴而譏裸

程矣二士以為何如指外拜謝科前腔深感良規方幸聞至教吾二人虞芮之爭息矣

學浮生半世非

外作揖

再不作干名異事

淨作揖

再不為

辱已汗行

淨外同揖

都要與通同歸

淨

從今三復素餐詩

外終身願守甘節易

淨外佩服至

願比弦韋願比弦

韋各期成就一個是

末尚賤卑汗甚可羞矯情干譽最堪尤淨蒙君指點齊山下外

始悟中庸是路頭

王羲之蘭亭顯才藝

南懶畫眉玉驄款款出城闌只見綠水平橋花滿川  
東風嫋嫋裊吟鞭想因沽酒樓拴慣特地驕嘶過館  
前前腔勸君休惜買花錢春色辭人去不還暖風十  
里麗人天只聽得鞦韆牆內佳人笑却不知牆外遊人  
駐錦韉前腔杏花村裡鼓喧闐那更搖拽晴風酒幔  
褰遙瞻綠藻蕩湖煙只見小舟輕蕩槳想是運送筵前  
酒似泉前腔長堤桃杏爛如燃遲日江干錦纜牽牙  
檣慢動是誰船只見帆影碧空現一似當年李郭仙  
南駐雲飛曲水流觴波送花香逐酒香風細生紋浪

鳥媚供清唱，秦勝跡久荒涼。幾星霜，洛邑蘭亭，千載  
同一賞。莫使周人獨擅芳，莫使周人獨擅芳。前腔水  
現金人盛，集衣冠，傳自秦賓主，皆豪俊。經史騰談論，  
秦歸去柰何春。且開顰，縱沒金人，也有德星分。莫使  
秦人獨擅名，莫使秦人獨擅名。前腔慨昔華林，此日  
名賢曾盞簪，碑篆蒼苔甚。臺榭行潦浸，秦陳跡不堪  
尋。漫沉吟，物換人非，且盡杯中飲。門鎖松筠滿院陰，  
門鎖松筠滿院陰。前腔金谷樓頭，繞翠堆紅錦。一丘  
寶鼎沉烟臭，綉幕流蘇皺。秦金屋貯嬌柔，不堪遊富  
貴。東流惟有堤邊柳，殘日蟬聲送客愁。殘日蟬聲送

客愁

北雙調新水令永和九載暮春時會稽陰蘭亭祓禊  
崇山修竹繞秀水茂林圍盛集衣冠遠近羣賢至駐  
馬聽急湍清漪曲水縈迴泛酒卮列依其次只見氣  
清天朗碧參差騁懷遊目樂無涯一觴一詠情何極  
惠風徐吹仰觀俯察皆真趣沉醉東風想趣捨靜躁  
兩岐歎彭殤壽夭難齊或放形骸天地間或晤言於  
一室內君子當欣于所遇死生亦大矣後之視今猶  
今之視昔其亦將有感於斯鴈兒落這便是錦心兒  
宣金玉辭繡口兒唾珠璣字讀之使鬼神驚聽之覺

毛髮刺得勝令鋪敘得首尾不支離包涵得深邃多  
滋味風雲變俄頃間波瀾沛呼吸際體格兒周密似  
漱玉泉珠沸氣勢兒豪奇若干將劍吐霓折桂令可  
正是文章巨擘典誥之儀雅頌之匹壓倒曹劉陵軼  
班馬鼎董爭馳峰若高水若深江山爭美禽改名樹  
改色花鳥爭輝譽播華夷事布東西一會蘭亭千古  
芳遺滾浪煞呀我只見暮雲生日在桑榆新月上鶴  
返松枝青嶂暝烟迷古寺冠弁傾欹殺核狼籍僕馬  
喧嘶這其間醉的醒的歌的舞的一齊兒攜手同歸  
呀莫待遲莫待遲

劉蘇州席上寫風情

北賞花時恰纔個雨散雲收睡起遲可又早燕喚鶯  
呼催得疾只只得強玉腕整蛾眉不能勾烟花脫離  
可正是風裡絮任東西前腔昨夜個銀燭煙銷鴛枕  
欹今日早綉榻香餘蝶夢迷強起漫支頤精神瑣尾  
可正是腰細不勝衣

北仙呂點絳脣梅雨初晞柳烟新霽春衫褪方試羅  
衣正困人天氣混江龍你道我嫩天天貪睡那知我  
瘦岩岩嬌怯怎支持這些時償足了粉債穀滿了花  
期只望得輕羅小扇閒瀟灑水簾疎簾看奕基誰承



望狂蜂浪蝶暫相離、蒼鷹乳虎卒來至。他若是驚鴛鴦、  
打鴨、我便做捉月鯨騎。（油葫蘆）雖然是自經溝瀆、莫  
之知也。令他白璧瑜、任他錦纏頭、金賞手、大施為我。  
只怕沒疼熱、舞得鸞釵墜、無休歇、唱得鶯啼瘁、翠袖  
兒、捧披羅襪兒、站否、甫能勾、刺史退、司空醉、兀的衆  
人、張劫殺、柳蒲姿。（天下樂）聞他是冰壺秋月姿、吹簫  
題柱匹、只怕他愛東施、不似愛西施。他若有阮步兵、  
觀人的眼兒、衛叔寶待人的面皮、我便效紅拂、謹相  
隨。（節節高）纔離了粉香粉香深處、早來到喧囂喧囂  
市闌行過盡橋、近東錦坊北、瓊花街第、只見鬱鬱蔥

惹嘈嘈嘖嘖。閭閻市語，串了十字，轉了拐角，數了門  
楣。呀，原來是閨閣家，簷彩飛顰。（元和令）只見他猛咆  
哮，怒發如雷。我這裡軟刺八戰兢，無地也不惜。嬌枝  
嫩蕊，易離披，直恁般惡風驟雨狂摧。我閃秋波，將他盼  
覷。他忍笑含嬉，故將人喚起遲。（上馬嬌）我須是衆人  
妻，却也解識高低。鴻儒在座，敢胡為。若得風流太守  
此須意，我則拂箋捧硯，索畱詩。（勝葫蘆）我安排着彩  
袖殷勤捧玉髓，輕盈舞羽衣。務教他錦囊傾出陽春  
句，翰墨淋漓。烏帽斜欹，染菴五香歸，纔顯得清歌一  
曲綾一疋。任花影座間移，使他知。佳人一失，難再得。

我把宮商互推、盃竿頻遞、管教到北斗柄兒低、後庭  
花若不是、漆金交契、最密怎解我桂玉愁心、無已休  
題他、開東閣涼生細、且將我碧油幢塵暫洗、他說到  
衆賓齊、我則索登車攬轡、武夫唱道路辟、蒼頭隨簇  
擁疾、雨初晴、道尚泥燕成巢、傍馬飛錦長安、曾遊憩  
花揚州、新觀取青哥兒、呀、我則見宛然宛然、左避敘  
主賓階列東西、我這裡就席、席專位、其尊無對、况兼  
著主人情重、出嬌姿、兀的不效古人投轄維駒、寄生  
草、盞外露纖纖玉、盃中照灼灼姿、潤喉嚨、總是葡萄  
汁、回津液、賸有丁香氣、蓮皮膚、襯出桃花媚、你道是

杜康傳下的甕頭春，我道是嫦娥擠出這胭脂淚。  
（賺）袿薄怎當磚，膝嫩難湯地，空着我軟心腸，甚是怜惜。  
只見他吃皺雙蛾那一會，便是個狠閻羅也。大發慈悲，日沉西，翠影參差，絳燭高燒，照錦幃，拚今宵溫柔鄉裏，覩守定卓家鳳，休聽那祖生雞。

（桂枝香）榴園初放，荷池新漲，螢光逐羅扇，徘徊蟾影。  
向紗窓摩盪，幸青皇肯怜，幸青皇肯怜，故紅妝相向。  
心怡神曠，願效鸞凰，細看你烏紗瀟灑，神仙度，滿稱我高髻雲鬟，宮樣粧。  
（前腔）整衣絳帳，淺斟低唱，似這般儒雅家風，毒殺那龕豪氣象，幸三生有緣，幸三生。

有緣得親風。恍芳心飄颺。願效鴛鴦。休愁他望穿楚。榭裏王眼。且續這斷盡蘇州刺史腸。

字字金。譙樓上鼓兒一點敲。花影縱橫。月半高。月半高。碧紗廚。人靜悄。將燈照。玉人兒睡正著。清江引。醉酖。玉人兒睡正著。這睡何時覺。空畱待月心。辜負偷花約。二更鼓兒又轉了。字字金。譙樓上鼓兒二點敲。寶鴨沉烟。卽漸消。卽漸消。聽鶯鴉。閑桺梢。將燈照。玉人兒睡正牢。清江引。醉酖。玉人兒睡正牢。可惜如花貌。裏王夢裡求神女。床邊咲不覺三更交得早。字字雙。譙樓上鼓兒三點敲。翦翦輕風。窓外颺。窓外

風搖啼紅濕絳綃將燈照玉人兒睡得喬清江引醉  
醪玉人兒睡得喬恁的般歪做作全無下惠和到  
有元龍傲四更鼓兒又聒噪字字金譙樓上鼓兒四  
點敲涼月侵門夜寂寥夜寂寥寒局冷翠翹將燈照  
玉人兒夢未消清江引醉醪玉人兒夢未消厮守  
得無着落空勤犬馬勞却惹鶯花笑不覺五更天又  
曉字字金譙樓上鼓兒五點敲雞唱蟲飛斗半杓斗  
半杓峭寒生衣較薄將燈照玉人兒鼾尚哮清江引  
醉醪玉人兒鼾尚哮這早晚還昏眊春風笑二喬  
明月羞雙妙把千金夜兒空過了

東方朔割肉遺細君

念奴嬌序樓臺倒影見池光潋灩風生萬頃玻璃碧  
王闌干簾捲處頻飛燕雀東西偏空玉塵揮蠅金卮  
泛蟻透輕羅壘雪如洗合惟願取清風明月長共瑤  
池前腔追陪樓臺近水見鷗鷺縹緲微來往天際  
萬點紅蕖偃仰任風翻露墜佳致水荇牽風岸花漾  
日蜻蜓款款倚人衣合前前腔清氣水綠花妍泥香  
藕粹巡簷共把綠荷盃風飄袂似海上飛來安期堪  
奇燕惹遊絲魚吹細藻隔窓遙侑紫霞卮合前前腔  
光輝雲淨山奇天空水媚畫船來往鏡中移人覺醉

只見帽落巾欹忘歸。柳底黃鸝。荷間翠羽。聲聲似喚  
且休辭。合前古輪臺暮雲低水晶簾動晚風微闌干  
影没人猶倚遙看雲際見玉鏡騰輝閃爍金波零碎  
皓彩紅粧月花爭媚把嫦娥寶鑑對西施高燒銀燭  
照紅姿只恐夜深花睡著巾再漉碧筒重製綺筵又  
徙寒藻舞淪激落鴻聲已如行葦前腔聽知花有開  
放與離披水月有流滯盈虧人事有歡悲散集明歲  
知誰共月共花此地也有值暑雨蟾光陰晦也有旱  
魃炎枯酒芳沼蓮荷凋悴也有辭鄉去國不齊存亡  
欣戚那得似今朝歡聚醉把碧荷枝仔細重看覩休



放歎興亡江山如故何處覓孫郎前腔英睿古無雙  
論江東誰與行擊曹公策出羣謀上語蔣幹的意良  
用黃蓋的計長把北軍一炬成灰蕩嘆興亡江山如  
故何處覓周郎前腔一劍起樓桑展西川萬里疆皇  
圖重把炎劉創桃園內的將強草廬中的相良不階  
尺土把中原抗嘆興亡江山如故何處覓劉郎

祝英臺把古今愁廊廟悶聊付與滄浪只見風薦新  
涼月借清光若相期侑此壺觴芬芳汀蘭與岸芷氛  
氲暗逐來檣過槳這清境惟有魚龍聽講前腔霄壤  
只見玉繩低珠斗委碧落轉高景那更疎竹敲梢落

葉辭柯相迭奏隔水笙簧吾黨遨遊在萬頃滄茫怎  
不教罷却塵想這叢談那有凡庸參講前腔佳賞望  
前江月印寒潭孤寂湛禪鄉只見壁上藤蘿洲畔蘆  
花相掩映夜色蒼蒼相忘任教山寺將鐘撞懷方隆  
未降且迴檣傷响石汲取清湘烹茶供講前腔豪宕  
放形骸秋水長天涼露濕衣裳只見羣鷗朝空孤鶴  
橫江月落不堪長往頻仰對着您冰壺秋月風標頓  
覺我塵襟滌蕩謹問取何夕再聆清講

晉庾亮月夜登南樓

黃鶯兒帶皂羅袍明月浸江樓正微雲點綴收玉繩

低度銀河溜中原九州仙原十洲今宵處處清光透  
放眉頭陰晴風雨能有幾中秋皎皎銀蟾如畫看扶  
疎丹桂影落金甌登樓暫緩廟廊憂傳盃且借經綸  
手青天碧海乾坤自由朱顏綠髻韶光若流今宵宴  
罷明宵又前腔明月掛長空照江山萬里同陰岩幽  
壑清光洞香生桂叢涼生柳叢人間天上歡聲動且  
從容嫦娥相對須待五更鐘水氣山光清貢那更月  
色溶溶凭闌十里竹枝風開窓一派梅花弄白雲黃  
鶴全無去踪青山綠水空餘舊容休慳飲盡黃金甕  
前腔明月正中天望浮屠塔影圓江樓窈窕清波蘸

空中的管絃鑑中的市塵唐虞人物在雲霄現且留  
連清光旣滿能有幾宵看天柱高懸冰鑑水晶球捧  
在銀盤齊紈素練絕疵嫌羊脂美玉無瑕玷今來古  
往乾坤幾旋東升西墜城闕屢遷費千金莫惜開華  
宴

風雲會四朝元江樓風靜含虛混太清正冰壺光瑩  
碧海波澄玉兔初弄影仰穆天如洗仰穆天如洗纖  
翳無痕萬籟無聲寶鑑孤懸幾衡高運皓魄十分正  
睎倚檻望神京只恐玉宇瓊樓不耐秋宵冷願使君  
如月明吾儕如星耿年年此夕星芒月彩兩交輝映

前腔秋光如淨，銀河冷畫屏，聽孤鶯碧落，老鶴蒼冥，  
蟋蟀鳴古磴，看樓臺倒影，看樓臺倒影，半入洲汀，半  
落江聲，四面玲瓏，八窓虛靜，醉不了，登臨興，  
欸撫景髮森森，赤縣神州，雲擾誰為覈，願明公秋月形，吾儕  
秋桂影，年年此夕，馨香皎潔，兩交相稱，  
前腔秋聲遙聽，颼颼萬木驚，只見鐘傳古寺，杳迤嚴城，淡月寒蟾，  
耿覺輕袍冷刺，覺輕袍冷刺，瘦骨伶仃，短髮飄零，歲  
月難留，功名未稱，空負高軒娉，  
同板洗濯這箇兵戈淨，願明公秋月明，吾儕秋氣冷，  
年年此夕，清清冷冷，把炎氛淨盡，  
前腔叨持兵柄，江

城一柱撐，賴參謀多士，惟幄羣英。把晉鼎安置，適  
中秋好景，適中秋好景。只見天滾星球，漢碾冰輪，桂  
兔儲精。山河懸影，萬里清光剩。嗟把酒問蒼冥，不知  
明歲今宵，可還與羣英相並。願諸君水上萍，老夫水  
底星。年年此夕，相逢相照，永終天命。

北折桂，令彩雲端推出冰輪。碾破瑤空，秋色平分。銀  
海生花，玉樓起粟，皓彩侵門。對素娥當鏡，中紅粉，竊  
靈藥，延世上青春。丹桂芳兮，白兔溫馴。莫惜兼金，共  
倒芳樽。前腔。蕩長空，玉宇無塵。高照瑤臺，萬丈如銀。  
雲母屏張，齊紈帳冷，瓊海脂凝。移綺席，就銀蟾光，運

照瓊卮連丹桂香吞分付東君愛惜芳辰明歲今宵  
知與誰親

陶處士栗里致交遊

綿搭絮霜清露冷籬徑菊花妍我這裡繞徑巡籬摘  
取金英插帽簷酌芳泉且當杯傳自覺得地偏心遠  
胸次悠然一任西風開向叢中濃與淺前腔南山新  
霽當戶起晴烟機杼聊停相與徘徊叢菊邊撫孤松  
權當鳴絃待得山中酒熟重此歡旋且向北窓一枕  
羲皇高偃寒前腔黃花滿把酒杯乾豈料提壺遠送  
香醪出偶然是良緣花酒雙全顏顏賴酒襯衰筭倩

花延一任西風把天外浮雲自舒捲前腔忘懷得失  
畎畝已多年太守何聞遠慕荒村誤作賢望南阡喜  
獲豐年秋多堪釀不費青錢與子盤桓一任長安日  
近遠

高陽臺伐木親賢綠蘿訪士那更秋暮天色十里青  
松相摻著萬株紅葉潺潺流水鳴溪石繞竹隈幾迴  
曲折望烟村一簇閒雲數椽屋結前腔鎖蒼烟蠻嶂  
層疊歎草廬高臥羲皇時客怪來詩思侵人骨門對  
着寒流滿山如雪拚今日掃石林陰坐聆清說前腔  
廊廟才疎烟霞性僻遇移晉祚難復先世承恩忘羞



忍爲干祿、空谷干旄、白駒漫勞費也。俺只有床上書、  
共籬邊黃菊、願使君暫開懷抱。我強支癯骨、前腔版  
築、出作甘霖、終調鼎鼐、豈能卒老茅屋。况雲路脩長、  
何當久淹驥足、人物知君是箇天下士、不比那尋常  
碌碌、對君如崑山片玉、令人頓忘塵俗。前腔相屈、駐  
節茅廬、停驂白屋、愧我全無旨蓄。語未驚人、那更行  
非駭俗、榮辱百年粗糲、吾分也。深謝您肉食者青目、  
市城遠盤無兼味、喜有此濁醪堪漉。前腔如玉、價值  
連城、輝當照乘、你却埋光韞櫝、願彈振冠衣、休迷戀  
青氈故物、自足桑樞甕牖、非若病怎肯效他窮途之

哭况伯夷本因商餓張良非為漢出前腔相促日在  
桑榆禽歸樸櫟這飲酌已充吾腸腹眼覺朦朧欠伸  
來思尋衾褥頻祝今朝我醉君且去三徑邊明朝再  
屈緊趁逐花黃天朗雨晴未卜前腔質樸坦坦幽人  
振振君子和氣藹然可掬怕不見黃生鄙吝萌芽滋  
復含蓄前言往行充滿腹探錦囊傾出珠玉此以後  
相過百遍結盟林麓尾聲相逢無柰斜陽促我醉君  
回休見觸只怕王事奔忙難繼續

二郎神幸相逢松菊主風光正暮秋對着您千頃清  
陂絕塵垢羨幽光隱德信是羲皇叟把碧草瑤花侑

酒籌、况黛色南山入牖。誰堪偶、真個是笑子皮、漫駕  
扁舟。前腔久投簪組、相伴烟霞故友。嘆人世難逢、開  
笑口、看菊綻東籬、秫熟西疇。蟹嫩雞肥、釀可芻、况兼  
有文章不朽、名山斗真箇是笑嚴光、漫掛羊裘。集賢  
賓碧雲黃葉山寺幽、那更白鷺蒼鷗。萬壑松風、窓外  
吼、歎人生若寄。蜉蝣看秋光轉瞬、不多久菊殘蜂瘦。  
重九又、歎牛山上那人兒存否。前腔想華亭白鶴、東  
門黃狗、都做了滿地閒愁。怎似你倦鳥閑雲、得自由。  
興來時、邁壑經丘、把芒鞋緊兜、任清狂、傍花隨柳、重  
九又、歎龍山上那人兒何有。黃鶯兒殘日下簾鉤、晚

風颭萬木秋、空林一派寒泉漱、高情正綢繆、雄談未休、  
傳籌共把茱萸嗅、展雙眸、秋空浩蕩、相對若虛舟、  
前腔賦性拙如鳩、有何長動列侯、分甘雲臥青山岫、閒  
情自偷、無心外求、疎狂難辱冠裳偶、自追求、不堪世  
用、非敢效巢由、  
（猫兒墜）遙瞻落鴈影、入蓼花洲、晚照  
芙蓉映碧流、白沙翠竹路悠悠、  
（合）追遊同攜手、相送  
柴門、月滿林立、  
（前腔）夕烟生紫、猿嘯暮山幽、古砌畔  
瀟瀟風葉走、長繩難繫日西流、  
（合前）尾聲、德星聚現  
良非偶、正是月白花黃時候、畱取人間相傳作話頭、

桓元帥龍山會僚友

排歌丹桂餘香、黃花正妍、媧皇鍊出瑤天、嶙峋古石  
吐清烟、峭壁千尋掛玉泉、憑熊式按馬韉、翱翔直上  
翠峰巔、紅塵隔碧落、連今朝瑞擬白雲眠、（北寄生草）  
這山春也有三眠、柳夏豈無十丈蓮、芙蓉秋水清光  
泛、梅花白雪寒姿燦、珍葩瑤草連霄漢、這龍山不是  
泰華山、願將軍戎馬休輕散、（排歌）石角鈎衣、藤枝罨  
肩、深林冷欲裝綿、蕩胸雲氣起層嵐、俯視乾坤若蟻  
旋、憑熊式按馬韉、翱翔直上翠峰巔、紅塵隔碧落、連  
今朝瑞擬白雲眠、（北寄生草）這山也堪鑿梯仙洞也  
堪耕種玉田、憩松不用蒲葵扇、茹芝可當瑤瑚飯、製

倚不減雲裘煖。這龍山不是不周山。願將軍休把蚩尤說。  
**排歌**不斷長風輕袍袂。蹇恍如羽化飛仙。遙觀郡邑若青錢。  
半露蒼烟屋數椽。憑熊式按馬韉。翱翔直上翠峰巔。紅塵隔。  
碧落連。今朝端擬白雲眠。**北寄**生草。這山盤三楚。青無了。  
落三江。影尚延。撐炎州半壁。青天扇。擺長空。萬疊祥雲現。  
噴紫晶。飛瀑瓊珠濺。這龍山不比岱宗山。願將軍且莫言封禪。  
**排歌**衰柳殘枝時咽晚。蟬澗聲暗。寫冰絃。遙瞻落日下平川。  
煙暝孤村酒慢懸。憑熊式按馬韉。翱翔直上翠峰巔。紅塵隔。  
碧落連。今朝端擬白雲眠。**北寄**生草。這山瞻漢

闕愁腸結、望秦宮、淚眼漫洛陽。禾黍西風亂，銅鉞王  
氣朝雲散。天津橋上鵲聲喚，這龍山不是首陽山。願  
將軍休把夷齊賺。

駐雲飛木落，驚秋萬簇，烟林赤葉稠。戎務侵眉皺，詩  
思羈身瘦。嗟登眺，暫舒眸，赤縣神州一箇金甌。玷缺  
誰之咎。且共對斜陽笑。楚囚。  
前腔南雁悲秋，幕府深  
沉，冷客裘。戎馬今方構，花鳥誰能富。嗟聯轡，且追遊。  
山淨雲收。徐步瑤岑，瀟颯風寒袖。且共對斜曛，勸楚  
囚。  
前腔晴鶚橫秋，冉冉寒烟遠，嶠浮坐與蒼苔就。笑  
把茱萸嗅。嗟遠渚，眺寒鷗。雲水悠悠。江景山花，似把

壺觴侑且共對斜曛看楚囚（前腔）陰壑先秋一派寒  
泉繞竹流自掬清波漱貌惹紅塵垢啖禾黍滿西疇  
黃雀嬌柔細菊斑斑遠壁開如綉且共對斜曛歎楚  
囚（前腔）鶴髮經秋樗散堪乘蓮葉舟皂帽非吾偶白  
接非吾首啖折角雨中求岸幘英雄入眼今奚有莫  
盛飾冠裳似沐猴

楚江秋空堦咏蟋蟀蒼山泣鴈鵠沉沉院宇秋光  
神魂飄泊夢模糊步倩人扶銀屏背倚嬌無措空生  
花樣軀空餘雪樣膚誰能貯我黃金屋（孝白歌）殺八  
盞酒百壺相對秋山日已晡行樂莫躊躇明朝有此



無陰晴難覩楚江秋  
婷婷鴛鳳雛天天桃  
若株凡花野鳥原非  
度溼溼紅泪濕羅襦  
聽徹銅壺柔腸萬截  
愁難續白壁已見瑜  
綠珠羞自呼誰能再  
把胡笳贖孝白歌青  
青柳短短蒲今日芳  
菲明日枯造化本乘  
除兵家有勝輸原無  
定主清江引乾德鏡  
兒半塵土枉把蛾眉  
擣愁暗錦江雲淚洒  
巫山雨怨東風落花  
花怎語

謝東山雪朝試兒女

宜春令銀河瀉瓊海  
翻望長空梨花舞殘  
想玉龍戰北敗鱗破  
甲飄零亂白茫茫山  
逕迷踪清脉脉泉流

刺眼合拽襟裾何處尋梅隴頭江岸前腔迴風舞輕  
絮繁迷村舍孤烟遠看望玉驄行處依稀惟見紅纓  
燦平沙間鷺影冥冥寒沼內鳬踪泛泛合前前腔天  
將午陰正玄古林中遙咽凍猿看魚磯隱約策翁獨  
釣寒江畔鳥驚枝玉簫飄零馬踏處銀盃仰偃合且  
回家掃取烹茶清談消遣前腔前途路鋪白毡玉芙  
蓉削出萬巔羨玄冥滕六通宵細把吳江翦野湖濱  
銀嵌汀洲古石上繒封苔蘚合前

二犯桂枝香六陰曉噴玄黃相混滿長空散漫飄颻  
粉蝶瑤蜂作陣同雲四垂密布覆玉盆填空塞漢迷

蒼隼江干景類君、孤舟蘆外、無人自橫、疎梅籬畔、無  
朋獨芬、應笑他猖狂阮籍、徒悲路、且效這寂寞袁安  
深閉門、前腔瓊山隱隱、銀濤滾滾、霎時間、封盡青黃、  
模糊裡、鋪平遠近、氛氲霏霏、拂拂揚玉塵、南枝已報  
梅花信、臥東山、煖若春、蒼生冷落、須臾可溫、戎夷驕  
縱、笑談足吞、甘為十年女子、貞不字、肯效終日吳姬  
倚市門、桂枝香旣旣螽羽、振振麟趾、陰中鶴子、相和  
池上鳳毛、迭繼是族、將大矣、是族將大矣、佳兒才女、  
聯芳繼美、耀門楣合椒聊瓜瓞、於斯盛、好相對冰花  
笑把盃、前腔松筠根蒂、芝蘭氣味、深蒙庭訓、薰陶兼

感姆儀純粹是男女幸矣是男女幸矣各成令器文  
全武備際昌期合前前腔瑚璉之器冠裳之裔流傳  
累葉英華萃就一門桃李是天加篤矣是天加篤矣  
淑媛賢嗣攀鱗附翼各騰飛合前前腔深閨淑質名  
門懿德枝連同氣椿萱蔭庇共根橋梓是人間罕矣  
是人間罕矣真元會聚前昌後裕有光輝合前前腔  
明珠拱璧鸞儔鳳匹看他年女壻乘龍領異日羣兒  
折桂是吾願足矣是吾願足矣戶高門闢德星家聚  
古今奇合前

二蘭記

共女閒敘

集賢賓對春奩鬢雲垂怨女佩蘭初試羅襦幽窓捲  
簾花解語帶連環心下躊躇誰寄遠書都做了傷春  
情緒忽聞杜宇望銀河欲駕蟾蜍前腔塵埋寶瑟傾  
玉柱探花上林人去飛燕樓前尋舊侶忌多情春水  
遊魚悠揚自如問仙郎風流何處暮雲春樹遮隔了  
錦障紗厨前腔春韶豔冶雅樂按軒虞飄泊一對仙  
姝忘却當時金屋貯過原頭羞見雛渠藏玉待沽又  
則怕蛾眉招妒周旋回顧怎能勾鴻漸雲遠前腔揚  
州跨鶴風韻墮塵塗看遊行瓊珮霞裾聊倩東風權

作主放鶯花填滿郊墟高駕憶車送青春玉人歸去  
觀風施雨打疊起萬種歡娛（猫兒墜）隔陽關聲杳重  
聽唱驪駒海甸將軍握虎符風雲長為護儲胥操觚  
寫不盡大統輿圖（前腔）把干戈盡戢經濟出文儒一  
任山雲自卷舒春風幽谷遍吹嘘歌飲看豐稔擊壤  
閭閻（尾聲）風濤撇却橫江渡攬征衣芳菲沿路惜花  
顏兩朶玉盤盂

二蘭得扇

（四朝元）蘭芳花塢光風勝畫圖嘆青春羈旅占斷歌  
舞翻做成苦楚想英雄在所想英雄在所為那陸海

風波整理三吳，凱奏平反，遙傳天府。威令安民戶，  
慘  
俺且自模糊。托夢襄王，空走巫山路。黃金使氣粗，蛾  
眉有人妒。他真愛奴，行行款款，再三分付。  
(前腔)花飛  
春暮，離人意轉疎。去幽齋，調軫瀟洒風度。早已稱獨  
步，看飛鳥走兔。看飛鳥走兔，那些個撇却黔驢，養就注  
駒綵。盡雲臺重新韶護，記上元勳簿。  
去國王嬌，一恨遺千古。紅樓戲錦裾，美花落泥土。他  
提醒奴，勞勞攘攘，半生多誤。  
(前腔)當初緣故，風流滿  
寓居。那英才年少，勢猛如虎。特地來左顧，把虹霓氣  
吐。把虹霓氣吐，只見奪錦瓊花，映日冰壺。金縷歌殘，

聲音類選卷之六  
瑶臺辭去春褪仙桃露。天上鳳難呼。蕭史傳聞。回  
望誰繩武。含章德不孤。經綸手無措。他曾教奴。和和  
宛宛。自須調護。前腔。剗釵裙布。頻年閱世。塗進烟花  
深巷。久廢機杼。展轉思夏呂。看風狂柳絮。看風狂柳  
絮。飄散了。銅雀浮塵。金谷荒蕪。擾亂驪山。消除眉顰。  
多少關心事。嗟。自喜際唐虞。陌上羅敷生。受柔桑苦。  
殷勤奉舅姑。女工成纂組。他終戀奴。條條井井。變通  
時務。

同蘭賞荷

念奴嬌序薰風灑灑。暗香飄水閣。沉烟翠繞雲屏。十



文苑開何處是玉井香滿蓬瀛輝映絳綵嬌香鉛華  
掩蓋五湖邀去恐傾城合惟看取紅粧綠蓋仙女盈  
盈前腔佳勝秦娥楚媵見鴛鴦滾滾翻飛猶自奔競  
秀出淤泥持勁節誰肯移向神京那更媚臉籠霞芳  
心麗日浣紗人自有私情合前前腔虛逞偏輿池亭  
煩囂門館勾欄重整舊花棚簾箔外遮不住溽暑炎  
蒸須趁玉露初零金風未凜一時花譜早書名合前  
前腔追省翻葉冰池開花元旦此時端的出風塵仙  
露邈遙見鸞鶴飛騰惟稱羅襪臨波羽衣映月碧霄  
霞彩晚來晴合前古輪臺晚涼生風波寂靜碧流澄

芙蓉爛熳開明鏡，飄萍斷梗我萬里。關情欲泛五湖烟艇，收遍瑤池水仙逸興。採蓮歌聲散遶楚天清，嬋娟弄影水國空明。翔羽騰鱗，綠荷露瀉，玉樓人遠，永山高蔭沉。醉碧筒傾瓊漿嫩，步金花改變風景。前腔冰輪影射，香靄滿空亭。嬌滴滴紅袖踟躕，回旋不定。深岸流雲，花月交輝，相映落在錦綉叢中。桃源絕勝，兩兩握手，行行轉芳徑。清虛露冷，惜花人終日惺惺。英雄長在鹽梅調鼎時，和歲稔，青史記功名。只恐西風緊，紅粧零落，怨黃昏餘文。愛採花終有心也。自來隨俗混，今日方知茂叔情。

設立道場

梁州序丹楓清秀黃花明媚淑氣涼生沆瀣水晶宮  
外烟霞錦綉屏開為問牙樯絲纜鶴輦仙槎欲泛東  
洋海猛然心自省困龍媒經世文章變草萊合乘逸  
興且豪邁借天瓢一挽銀河派清楚向洗吳會前腔  
閒鷗沙渚冥鴻關塞一夜西風響籟楚王宮內清秋  
夢轉陽臺只見冰人勸酒石女簪花眼底乾坤大天  
闌纔叩罷化城來早遇風雲一度杯合前前腔步禪  
關彷彿天台喜山林周旋冠蓋試乘鸞歸去眼空三  
界更有苔軒貯月蘿幌畱風解下連環帶輪袍歌調

轉紫雲回花鳥叢中顯俊才合前前腔釣魚人誰守  
河涯客星輝風高千載柰奔馳滿路利名昏昧枉費  
鳳笙龍管列鼎重裊剩有驕奢態參禪猶自悟拂塵  
埃錯認空明照鏡臺合前節節高秋花滿徑開繞禪  
臺爐烟結就青蓮蓋流霞彩乘興來林泉外黃金盡  
把嬋娟買青山止許巢由採合占斷人間好風光不  
管鏡中朱顏改前腔桃花上臉開好安排蟾宮兩兩  
仙姝在墮金釵飛燕回成歡會從教羽箭收滄海文  
明萬國交時泰合前尾聲平泉景致曾何在習池邊  
不見往來休道藍方懷聖胎

賽四節記

月宮遊玩

香柳娘（酌）醑醑滿觴（酌）醑醑滿觴梨花春釀一傾滿  
座馨香蕩把霓裳旋粧把霓裳旋粧拜舞勸君王龍  
軀幸無恙（合）賀中興主上賀中興主上物阜民安須  
當玩賞（前腔）看葡萄酒香看葡萄酒香大宛貢上主  
人痛飲神思壯見清虛府傍見清虛府傍豔曲逞新  
腔雲鬟挽宮樣（合前）前腔有嬌娥舉觴有嬌娥舉觴  
情懷展放淺斟緩飲低低唱拚酩酊不妨拚酩酊不  
妨春風醉海棠牡丹亦同賞（合前）前腔且停盃罷觴

且停盃罷觴，遊觀半晌。早春宮闕多清況，見蝶蜂翅  
忙，見蝶蜂翅忙。風弄百花香，祥烟遍宵壤。（合前）

郊外尋春

花柳分春，一簇春嬌，見山含紫霧，路埋芳草，長亭上  
爭馳無數英豪，難描萬紫千紅，總把江山錦粧綉繞。  
花朝紛紛見士女相肩，雕鞍藤轎，前腔畫橋，食壘高  
挑，且凭高跳遠，尋隈覓坳，乘閑處細把玉尊傾倒，酩  
醺沉醉香醪，笑折花枝，同簪烏帽，靜俏，猛聽得賣花  
聲，斷續叫來輕巧。（闌寶蟾）良宵綠柳陰中，見三三兩  
兩少年花貌，將鞦韆高架，畫板輕搖，嬌嬌香風掀綉

襖玉帶束纖腰，笑聲高。又見一夥蹴鞠王孫，綺羅圍繞。  
前腔春早，南陌上林，見嫩綠深紅，名花異草，向髻邊斜插。  
堪與助嬌奇巧。金縷成瑤璫，檀口綻櫻桃。馬聲驕，莫不是  
元和仙女，剛剛來到。錦衣香，碧桃前鶯聲小。酒座中，香風遠  
拚取今朝。酩酊眠芳草，相逢不飲，傷人笑。痛濁壺觴，須解金  
貂。有紅裙笑傲，又何須閨苑蓬島。嘆韶華易老，浮生弱草。光陰  
渾若華胥一覺。漿水令日西沉，漁翁罷釣，幽林下宿鳥爭巢。太  
平和氣，祥烟罩。携不起春滿懷抱。功名事，休縈惱。看來世事  
如塵草。尋歸道，尋歸道。東風盡橋，續舊遊，續舊

遊准擬明朝、尾聲歸來不覺黃昏到、看看明月在花梢、今夜偏嫌天易曉、

華陰供狀

懶畫眉、芒鞋不踏利名關、笑傲江湖任往還、斷橋行過錦江連、只見滿眼雲山亂、猛然間、別院傳來啼杜鵑、前腔、瘦驢扶病強登山、境入華陰路漸寬、管絃聲細咽春寒、只見桃李河陽花滿縣、野外風光壯客觀、前腔、市城風景異郊原、霧氣交雜萬戶烟、紛紛貿易滿街前、只見人聲擾攘車聲亂、何處清幽試解鞍、前腔、譙樓聳翠日低簷、旌善申明列兩邊、料因訟簡與



夷安不聞赴訢勞公判只見卒隸相隈白晝眠

駐雲飛自別長安歷盡江山幾萬千風景真堪羨金

馬何曾戀啖無夢不朝天君恩非淺御札明明放出

文光現四海欽承天子言前腔拜接君顏燁燁聲名

天下瞻慚愧愚濁眼不識癡洲面啖負罪重如山乞

恩須減何幸文星拱照寒微縣自恨鰥生仰面難前

腔遊遍江山遠避紅塵學孟談放曠真無檢詩酒須

吾願啖清淡一儒官圖書數卷行李蕭然惟有琴和

劍甘作江湖一閭仙前腔痛醉長安天子呼來不上

船拭唾真榮顯賜錦原非濫啖勇退急流難如君真

罕漢有畱侯此後無多見笑殺朝臣待漏寒

采石騎鯨

憶鶯兒櫓漸催漿速推一葦孤航訪故知尤恐臨流  
去棹遲日色漸西沙浦鳥飛舳艫不覺臨采石笑聲  
低舟橫柳岸攜手問仙居

駐雲飛聚會真奇攜手遨遊采石磯花落隨波逝柳  
絮因風起嗟此景可畱題緩臨牛渚美景沿江收入  
詩囊內盡付今宵一品題

畫眉序單夾暮春時采石江頭月初起喜重逢故友  
共際桑榆清流內倒浸奇峰曲水中波搖佳卉合人

生遇景須當飲、莫待春光歸去。前腔冰鏡展清虛、一  
帶波光映千里。見孤山接漢、寶剎參差、堪接踵虎踞。  
龍蟠偏鍾愛、流觴曲水。合前前腔僧院掛琉璃、恍若  
南天斗牛墜。聽斷崖峒穴、猿嘯狐啼、釣魚燈息了、還  
明棹歌聲斷時復繼。合前前腔月下子規啼、玉漏穿  
花濕蝶羽、聽零零磯水。鷗鳥驚飛、喜輕風蕩送花香、  
見魚蝦隨潮爭戲。合前前腔綠蟻泛金卮、痛飲須教  
拚沉醉。且輕敲檀板、學唱柘枝、休辜負今夜月華、直  
等待金烏將起。合前滴溜子堪愛足、堪愛足、月懸江  
底。試將手、試將手、翻然掬水、嘆張騫乘槎遠去、俄然

飛鶴來見羽衣道士酒吐江頭波翻醉魚前腔今夜  
裡今夜裡騎鯨飛去千年後千年後名畱采石從今  
去錦袍夜被若疑顏色見待屋梁月起仙骨誇君凡  
愚怎如餘音江頭頃刻仙凡異惆悵歸來曙色微只  
見伴水人家半啓扉

天台遇仙

甘州歌赤城霞瘴看雨收黛色日映嵐光白雲深處  
頻聽牧歌樵唱猓猓飲澗遙掛木麋鹿閒遊遠度岡  
雲林杳石徑芳攀緣不覺路途長巖花嫩壁檜蒼蓬  
萊方丈景相方前腔徘徊望道傍見蘚蒙怪石似虎

躡林莽、翠禽雙語。幽林裡、巧自潛藏。蜂穿樹底、花頻  
動、麝過峰頭。草盡香穿、奇竇涉險、罔滿身空。翠濕羅  
裳、汲泉飲、採薇嘗。靈臺物欲頓相忘。箭腔心中、饑怎  
當。却如痴如醉、只管長往。回頭遙望、已覺歸路迷茫。  
早尋村落來安歇、莫把身軀喂虎狼。身疲倦、心慘傷。  
行行不上、倍愴惶。尋宿處、越險罔。不知何處有村庄。  
前腔林梢帶夕陽、聽歸鴉亂噪。倍添悽愴、牛羊俱下。  
遊人尚爾翱翔、希尋藥餌來延壽。反陷窮途、致天傷。  
精神爽、塵慮忘。身輕頓覺思飛揚。桃夾岬、竹蔭牆。朱  
門半掩、對垂楊。餘文山銜落日、天將晚。忽聞人語叩

門忙何處郎君到此方

鎖南枝 台州郡是故鄉晨名劉姓行在長採藥入茲  
方歸家路迷向天色暮少宿堂借華居避山瘴前腔  
念阮肇亦此邦不求聞達於帝王終日與同行林泉  
耽玩賞迷故道到上方倘垂怜實所望前腔聞君語  
頗感傷看你丰姿俊雅實異常鴛侶未成行孤棲此  
山上憔悴質冷淡粧倘若弗相嫌情愿共羅帳前腔  
休嫌退不敢當孤鸞何幸得遇鳳滿目野花芳儘堪  
適情況事君子學孟光舉案共齊眉裾釵永有望前  
腔金為姓家洛陽妾名蘭香妹蕙芳親命妾鋒鏑妾

身幸無恙兄和弟一旦已更無人得倚仗

二犯傷粧臺玉薤鬱金香殷勤仗此結鸞凰愧不通  
媒妁誠奈亂綢常其奈芳心到此難拘檢似蝶戀嬌  
花不定狂合情投魚水歡娛倍常飄飄香袖舞霓裳  
前腔慚愧布衣郎荷蒙遽許效鸞凰恩澤深如海圖  
報愧無方惟願共結絲蘿山海固琴瑟和諧天地長  
合前前腔寂寞度時光終朝惆悵恨孤凰豈期邂逅  
來相遇遂獲配鴛鴦休誇洞房花燭風光好幸免翠  
被生寒獨斷腸合前前腔司馬敢相方文君何幸結  
鸞凰身赴藍橋會愧悚豈堪當笑將羅帶來輕綰但

願永結同心百歲康合前生薑芽奇珍列艸堂宴仙  
郎觥籌交錯笙簧響郎情蕩女意狂齊歡暢獨伶侍  
妾添悽愴合待看明月上雕闌風流顛倒芙蓉帳前  
腔芳年窈窕娘內家粧明妃西子無相讓歌喉嘹舞  
態狂多情況令人覩却精神爽合前尾聲為歡不覺  
時將晚酒盡金尊夜未央玉手相携入洞房

歸去來詞

江兒水謾把朱絃撥秦聲徹太虛鴈行斜擺列十三  
柱纖纖銀甲尋六律疾徐恨少桓伊指幾度高山流  
水合一會吹彈願照東君憔悴前腔吹動劉琨曲連



歌蔡琰詩古來人製曲含深意胡笳十八明吹玉西  
風引入胡人耳塞外淒涼幾許合前

下山虎行囊速整歸去來兮田業皆荒蕪怎把名羈  
利迷往已過來尚堪追今覺是昨非始知解印辭官  
歸去兮我丘園甘自賁焉肯屈膝非人士節虧合回  
首家何在雲瑣翠微笑傲衡門樂有餘前腔暫停舞  
袖檢點行衣出岫雲何意時鳥翩翩倦飛權撇了綉  
閣粧臺須早上雕檻彩車附驥隨鞭歸去兮故園多  
桑梓官取童僕歡迎待主歸合前前腔慵勻粉黛懶  
畫蛾眉自恨弓鞋小道路崎嶇怎支你本是梁棟奇

才怎肯把琴堂久居，拋棄功名歸去兮。你名留青史，  
管取萬代同歌歸去詞。（合前）前腔良辰孤往，植杖耘  
耔，謾引壺觴酌對景臨流賦詩。休因這虛利浮名，負  
却了花前酒卮。解紐辭朝歸去兮，考槃真幽趣。肯為  
五斗折腰事儉兒。（合前）尾聲去國一身輕似羽，不向  
紅塵惹是非。舉目黃花簇滿籬。

葛巾漉酒

啄木兒。忙開閤，速啓扉。落葉鋪庭掃莫遲。重整頓草  
舍茅菴，旋尋取脩竹編籬。（合）閑時窮究書和史，倦來  
着屐尋安石。自信身心無檢拘。（前腔）青山坳綠野，隄

流水涓涓野蟹肥，頻祝告無朕。沖漠惟願取，矍鑠桑榆合前。

桂枝香碧雲天氣，新芻剛煮蓬窓。幸過高軒，使我鬱懷盡洗。且清談幾回，且清談幾回。論文作對，登山臨水，合醉金卮。酒逢知己，隨心飲，詩遇知音，信口題前。腔盡簪同契，尺書軍寄，彈冠遠步逢萌。使我俄驚天使，把離情訴知。把離情訴知。三秋一日，面談千里，合前。前。前。腔虎丘聚石，法門不二，幾番上榻。叅禪善悟，思君為最。柰官居乍離，柰官居乍離。開明心志，蔽聰塞慧，合前。

白衣送酒

黃鶯兒佳節遇重陽見東籬老菊芳豪家開宴庭前  
賞錢不在囊盡不滿觴對花無酒空惆悵細思量清  
貧是我辜負你逞清香前腔勸主少恹惶論清貧乃  
士常菊開晚節真清況有詩在腸有花在傍何須濁  
酒澆懷上把眸張白衣人至莫不是送壺觴前腔秋  
老菊生香喜床頭熟杜康觀花獨酌無情況携來玉  
漿淵明草堂二人對飲情懷放喜洋洋天從人願不  
負這重陽前腔愧我太荒涼坐花邊缺酒漿蒙君顧  
我携佳釀流霞燦光王掌噴香一團和氣情舒暢慶

重陽忙臨花下，沉醉有何妨。

皂羅袍晚節寒英開放向東籬叢集，謾逞芬芳。金風輕送入樽香，幽人幾度臨軒賞。合登高凭望，秋葉正黃，開懷暢飲，逸興頓狂。醺醺醉倒秋江上。前腔時序俄臨霜降，聽長江晝夜，秋水茫茫。奇葩滿院傲新霜，百花凋盡獨開放。合前前腔秋野凭闌開望，見長空敗葉風舞顛狂。籬邊酒滿菊花香，揮毫覓句詩腸爽。合前前腔玉蕊金英齊放，見化工點染，各逞濃粧。紅紅白白與黃黃，臨筵酷愛嬌模樣。合前紅綉鞋今朝喜遇重陽，重陽東籬老菊飄香。飄香共知己，醉壺觴。

休辜負好時光。(合)甘放達，恣疎狂。(前腔)登山着屐，何妨何妨。滿空雲樹淒涼，淒涼耕畝，守故鄉。輕紫綬，與金章。(合前)尾聲。林泉景致真堪賞，明月清風總一囊。何必區區著作郎。

踏雪尋梅

惜奴嬌。踏雪尋梅，向名園曲徑幽靜疎籬。村深處，一陣暗香突至，清奇連步忙尋。瓊瑤混眼，玉容怎識。躊躇。猛然見壽陽粧。小立門前遙指。闌黑麻花魁玉骨冰肌。想羅浮夢裡曾遇嬌媚。見遊蜂上下尋香無覓。奇異。花飄雜柳絮。玉宇罩銀枝。逞芳菲。喜殺那錢塘。

和靖江南驛使錦衣香折竹時搖瓊佩碧玉中幽香  
至傾倒金尊須教沉醉今朝樂事古應稀數甌滿飲  
休負明時村夫俗子枉營營豈知滋味把萬物看芻  
狗虛舟名利漿水令淡烟籠烏紗帳玉濃月照樹掛  
明珠這般佳景當品題頃刻間歸路皆迷停盃酌忙  
歸去呼童隨步尋舊跡游楊在游楊在庭前侍立遊  
人自遊人自石橋歸尾聲芒鞋滑踏沾飛絮折得江  
南第一枝身帶餘香到草廬